



Friderico Guilielmo Doeringio eph#beian Perennem Post Quinta
Decennalia In Cathedra Rectrice Peracta Gratulatur Carolus Augustus
Boettigerus Cum syneph#b# Repueranscens : A. D. XV. Kal. Ianuar.
MDCCCXXXIII.

Dresdae

Bo#ttiger, Carl August

Goth 4° 155-171 (26)

https://dhb.thulb.uni-jena.de/receive/ufb_cbu_00011641

urn:nbn:de:urmel-fbbc0077-65b9-47f7-9c0d-8507f9206f0e3-00010832-014

Lizenz: <https://creativecommons.org/licenses/by-sa/4.0/>



26
3

**FRIDERICO GUILLIELMO
DOERINGIO**

ἐφήβειαν PERENNEM

POST

**QUINTA DECENNALIA IN CATHEDRA
RECTRICE PERACTA**

GRATULATUR

CAROLUS AUGUSTUS BOETTIGERUS

CUM συνεφήβῃ

REPUERANSCENS.


1832

A. D. XV. KAL. IANUAR. MDCCCXXXIII.

DRESDAE,

TYPIS GAERTNERIANIS.

urn:nbn:de:urmel-fbbc0077-65b9-47f7-9c0d-8507f9206f0e3-00010832-014



urn:nbn:de:urmel-fbbc0077-65b9-47f7-9c0d-8507f9206f0e3-00010832-027

Phaleuci sospitatori suo.

Ite, ite, hendecasyllabi pusilli,
Tranate aëra pluuium, nivosum,
(Nam stillans niuibus pluit December)
Et si turbo rapax flaminibus vos
Dextrorsum rapiet, vel ad sinistram,
Heus, pulmonibus intumescite, amplis,
Plenis follibus acrius reflate.

Quod si vos piget ambulationis
Coeli intemperie molestioris,
Dicam, quod queat incitare cursum,
Quod currentibus admonere calcar.
Nam Doeringius ille, qui secundis
Curis hendecasyllabos Catulli,
(Quorum e prosapia repullulastis,)

Divina Critices poluit arte,
Dena vtraque manu peracta Iustra
Felix computat, in quibus cathedram
Musarum et Charitum esse iussit aram
Puram, thuricremam, frequens sacerdos.
Ergo, nulla mora est, volate Gotham.

Quod si vos piget obuios rogare,
Iluc currite, quo caterna densa,
Quo trudit populus, fremens tumultu.
Nam totus populus fauet triumphis,
Quos DVX hic residens in arce celsa
Sertis laurigeris benignus ornat.
Et sunt signa, quibus sagaciores
(Nasuti estis enim, quis hoc negabit?)
Aedes, quas petitis, queant notare.
Si recte olfacitis, culinae opimae
Nidor vos feriet, mouens saluam;
Si recte sapitis, Lyaeus ipse
Vos vini veteris beabit aura.

Ridetis? grauiora habete signa.
Obseruate aquilam, vias per auram
Tractu flammifero secantem, adunco
Rostro nescio quid ferentem ad aedes,
Quas nunc exhilarant chori et sodales.
Sed vos non fugiet, quid illa portet.
Crux ausata rubet, rubentque pennae.
(Ales purpureus magis placebit,
Quod sunt nigrae aquilae rapaciores.)
Atque insigne decus Seni verendo
Misit per volucrem suum ministrum

Brennorum armipotens potens potestas,
Vt qui semina vbique laeta sparsit,
Insigni decore ipse laetus esset.
O faustum augurium, probatiusque,
Quam quod fulminibus tonitribusque
Commixtum augurium ales ater infert.

Sed si cernitis acrius, propinquat
Signum candidius. Volans per auras
Indutus tunica virenti et alba
Rutam affert Genius serenus, albus
Impressam rutila crucis figura.
Hic est Saxoniae decor colorque,
Quo si quem PATRIAE PATER beavit,
Illum suspiciunt per urbem et agros
Cives, quod meruit sodalis esse
Selecti numeri, paterna cura
Quem REGIS decorat sibi fidelem.
Vt Döeringius hoc decus fidei
Fixum in pectore, ceu iubar, teneret,
DVX ERNESTIUS impetrauit illi,
Ne palma merita Senex careret.
Sed dignum cruce splendidissima omnis
Grege pronuntiat eruditionum,
Et quantum est hominum venustiorum,
Quantum in Saxonia disertiorum.

Monstrari omnia. Currite, introite!
Quando intraveritis, leui susurro
Cognoscat, facitote, vos adesse.
Benigne accipiet Catullianos
Anhelos, madidos tabelliones

Abstergensque caput, labella siccans,
Permulcensque caput, rogabit: unde?

Tunc vos, blandiloqui, vafri ministri,
Quae nunc praecipio, renuntiate:
Misit, dicite, nos pater tenellos,
Ut quos accunulet merenti honores
Ardor discipulorum, amor Tuorum,
Atque insignia Principum, crucesque,
Quae non excruciant, sed enitescunt,
Narremus memores, domum reversi.
Qui nos misit, abest, miser gemiscit
Et desiderio Tui tabescit.
Sed coeli furor et niuosus imber
Nec talaria subligare plantis,
Nec curru sinit auolare alacrem.
Heu vertigo minax, tenax grauedo!

Haec si dixeritis, sinu recluso,
Carmen promite, quod dedi ferendum
Et misi lepidissimo poetae,
Cui trisecliseni, regerminanti,
Juventae calicem dedere Musae,
Misi mnemosynon poeta caluus,
Sed luce hac iuuenis repente factus,
Renascentibus illico capillis.

Conuiuiae commorientes.¹⁾

Despumant calices, respondent tinnula vitra,
Cantica laeta sonant, exhilarantque joci.
Atque ego, ni forsan me ludit amabilis error,
Adsideo lateri, dulcis amice, Tuo.
Adsideo; nam vis hiemis me transtulit illuc,
Iubila, Doeringi, quo Tibi fausta fremunt.
Flammivomis splendent lychnuchis atria. Sed quis,
Quis ferit insolitus lumina nostra nitor?
Cernitis, vt rosea tingatur luce lacunar?
Nempe iterum Genius, saepe vocatus, adest.
Signa dat. Advolitant simulacra repente per auras,
Turba sequax. Quaerit quisque: quis iste chorus?
Quinquaginta adsunt, si recte computo, Lauri
Fert ramos, qui sit proloquiturque chorus.
„Annua turba decem compleuimus ordine lustra.
„Lauru, Doeringi, tempora cinge! Tene!
„Praemia parta Tibi! E cathedra Te vidimus omnes
„Multa ministrantem pocula Pieridum.“

Haec cuncti. Prodit choragus „Tua verba notavi,
 „Cum primum e cathedra Tu loquebaris, ait.
 „E cathedra, memini, Tibi primam hac luce Gubenae,
 „(Adstupnit populus,) fundere verba datum est.”
 Flectis, amice, caput, spectris male credulus illis.
 Tum praesul: „fidei pignora certa dabo.
 „Frons Tibi nunc calva est. Sed tunc Tibi silva comarum
 „Circa aures falso pendula crine stetit;
 „Ne dubites (monstrat latitantes veste capillos)
 „Hoc ciniflonis opus sit Tibi pignus, ait.
 Franguntur risu mensae, quo spectra facessunt.
 Auribus acclinis verba repono Tuis:
 „Successi Tibi Gubenae, Tuus assecla semper.
 „Sic natale solum, Lipsia sic habuit.
 „Quid mirum velles cum Tu migrare Gubena,
 „Lampada, quam ferres, Te posuisse mihi?
 „Scilicet hoc voluit, stamen quae nevit vtrumque,
 „Staminibus nostris vt foret vna colus.
 „Sic nos a teneris fraterno focdere iunctos
 „Collocat in gremio, Porta canora, tuo
 „Is qui me genuit, Tibi qui patris instar habendus.
 „Oscula discedens dividit, ora rigans.
 „Vos, inquit, pueros cohibent quae vincula, durent;
 „Constringatque eadem copula firma senes!
 „Mors rapuit patrem; cum Porta remitteret ambo,
 „Amplexans natos vtraque mater adest.
 „Respicite et nostrum foedus matresque, patresque,
 „Coelicolae, votis laetificate piis!“

Prosiliunt lacrymae. Tamen has abstergere fas est;
Nos, vbi laeta sonant iubila, laeta decent.

Cernis, vt ipse Jocus circumvolet? Omnia rident.

Ridiculos fas est ergo novare iocos.

Atque ego caluaster: „quia mentio facta capilli est,

Hos vt mutarem, Tu mihi suasor eras.

„Successurus enim Tibi iam monitoris egebam;

„Numburgum petii, quae schola fausta Tibi.

„Tunc, memini, obseruans nitidos in fronte capillos,

„Hos, inquis, resecā. Noxa capillus erit.

„Facticios ergo crines Tibi quaere, Gubena his

„Gaudet. Ni attulcris, ibis, amice, foras.

„Ingemui. Sed fortis eram. Cecidere capilli

„Forfice. Supplens hos altera silua emitur.

„Et bene erat. Sic barbatuli potuere magistri

„Jam bene barbati pondus habere viri. ²⁾

„Imberbes hodie si scirent ista magistri,

„Doctiloquis essent omnia plena viris!”

Haec vbi narraui, rides, lepidumque cachinnum

Adiuuat attritu dextra, sinistra manus.

Clamant conuiuae: ridetis? dicite causam.

Tu repetis. Plausus inde iocique strepunt.

Ast ego sermonem, primum quo coeperat ire,

Deduco. Auscultat turba sonora, silet.

„Semper et in magnis auctor suasorque fuisti.

„Vinariam vt peterem, Tu mihi sponsor eras.

„Proxima Vimariae Gotha est. Vicinia pollet.
 „Consilioque Tuo mox patefacta via est.
 „Budissae sedeo. Vexat mala mantica dorsum. ³⁾
 „Vimariam Herderus, Te stipulante, vocat.
 „Crebra frequentantur iam nunc commercia nobis,
 „Atque tabellaris saepe columba volat.
 „Saepe ego, si poteram feriatum linquere coetum,
 „Iussi iungere equos. Gothae hiemare iuuat.
 „Prospicit in campos celsa niger abiete lucus.
 „Villa iugo imposita est. Nomina montis habet. ⁴⁾
 „Illic nata fuit coniux; socer optimus illuc
 „Me tecum inuitat, meque domumque meam.
 „Nobis prae reliquis arriserat angulus ille,
 „Vrbis vbi oblitos roscida nutrit humus.”
 Obticiui. Nam vota sonant, adstante caterua,
 Quae consanguineo stemmate nexa Tibi est.
 Sunt natae et generi, sunt neptes atque nepotes
 Bis septem. Cuncti deuenerantur auum.
 Fit clamor. Patrem Te terque quaterque beatum
 Praedicat extollens pocula, quisquis adest.
 Hic ego prorumpens et amoris percitus oestro
 Clamo: „Tuae subolis sum pater alter ego.
 „Nonne mihi Minnam misisti, nonne Matildam. ⁵⁾
 „Vtraque perdocilis, culta, venusta, decens!
 „Ast contra Carolum misi Tibi, Tu pater illi.
 „Tu puerum, Musas quid sit amare, doces.
 „Inscriptas tabulas nunc Clio porrigit illi;
 „Si docet et scribit, Te duce, Gotha fauet.

„Vimariae et Dresdae coiere lararia nostra,
 „Obsequiis geminis vt foret vna domus.”
 Hactenus. A mensa Genius nos euocat ambo.
 Conuiuas saturos auferet vna dies!

N o t a e.

1) Noriunt, qui in reliquiis comicorum veterum colligendis cum maxime desudant, Diphili fabulam lectitatam esse olim, cui *Εὐπαιδοθύσκειν* nomen fecerat auctor (v. Fabricii Biblioth. Gr. Vol. II. p. 438. Harl.) quam Commorientes fecisse Plautum, e Prologo discimus Terentiano in Adelphos scripto. Proprio illud *εὐπαιδοθύσκειν* cadit in eos, qui certamine singulari congressi mutuis vulneribus simul confecti exspirarent. Sic saepe apud Plutarchum. Sed Graecorum lepidum ingenium verbum male ominatum transtulit ad certissimorum consortium amicorum, vna eademque hora mori cupientium. Hoc voluit Diphilus, hoc Plautus. Ad effrenatam et perditam nequitiam detorsit verbum Antonius in comessionibus suis, de quibus insignis locus extat apud Plutarchum in vit. Ant. p. 949. D. quo pulchre usus est in dramate cognomine Shakspearius. Sed pluscula accurate iam dudum contulit emditissimus Sturzius in libello de consuetudine commorientium emisso Gerae 1790. Qua significatione in carminis titulo hoc vocabulum acceperim, ex vltimis illius versibus patet. Tecum viuere amem, tecum obeam libens! Quo sensu conuiuam acceperim, dicat Pomponius apud Charisium Sosip. Lib. I. p. 37, Putsch. Conuiua, qui conuiuit.

2) Dici non potest, quo fauoris fernore adhuc decennio nono seculi praeteriti per uniuersam Saxoniam capillamenta illa adscititia, quae volgus peruccas appellavit, et galericulos supposititios adamauerint omnium ordinum homines. Quae Nicolai compilavit in


libello sane putidiusculo: über die Perücken parum satisfaciunt. Pancula carptim attingit ex ingenti aceruo. Gubenae, quae prima me vidit scholae rectorem, auctoritatem in ludo regundo mihi conciliare nunquam potuissem, nisi capillamento, cirris dependentibus depexo, caput operuissem. *Αδιάφορον* esse censui, magnam subito gravitatem assequutus hoc obsequio, quippe qui, cum munus capesserem, annos vox viginti quatuor natus essem. Reinhardus, Vir Summus, primus hunc fucum expulit exemplo suo, de quo dixi in vita eius.

3) Anno toto, quo Budissino gymnasio praefui, incubus mihi haerebat Coberus, epistolarum, quas Themithocli supposuit sophista quidam male feriat, editor, collega meus aetate prouectior, qui a vetula quadam, dispensatrice eius, instigatus et mordens clanculum et aperte in me grassaretur, discipulorum odio mihi conflato. Meminerint, qui haec legunt, vocem theotiscam Kober cum mantica cemparari posse.


4) Qui agros et colles, silua obsitos, ad radicem siluae Thuringicae et montis, qui ab insula nomen traxit, sitos accuratius explorauerunt, et castellum in colle editiore collocatum, cui ab abietibus montem obumbrantibus nomen inditum est Tenneberg, non sine voluptate propter amoenitatem locorum perlustrarunt. Huc saepius commeauimus cum Doeringio meo et vtriusque domus nostrae familiaribus, hospitio scilicet a socero amici meo, iam pridem fati defuncto, acceptus. Reuertebatur aliquando ab habitatione illa Doeringius, cum a riuo, aquis hiemalibus inflato paene mergeretur, mortis, quae ingrebat, discrimini auxilio plane admirabili ereptus, cuius miraculi anniuersaria celebrare solitus fuit *σωτήρια*.

5) Scilicet conuenerat inter nos, antiquae *συντροφίας* memoriam recolentes, ut in educandis liberis nostris mutuas nobis ferremus suppetias. Nec defuit euentus pacto huic plus quam fraterno. Wilhelminam, filiam natu maximam, quo tempore Vimariae degereamus, tradidit Doeringius uxori meae, matri familias diligentissimae. Exosculabamur puellae venustissimae, quam *χαρίτων ἄλμα* appellauisses, ingenium et docilitatem. Sed mors, quae omnia


bella devorat, hunc quoque intercepit flosculum. Regelio, concionatori et collegae praestantissimo a patre in matrimonium collocata, repentina morbi peste afflata fuit. Nunquam in animis nostris eius obliterabitur memoria. Eidem Regelio, qui secundis nuptiis duxerat filiam Doeringii natu minorem, nata est filia, Matilda, animi et corporis dotibus praecellens, Henrico, ecclesiae cultissimo, in pago prope Gotham sacra facienti, augurio felicissimo iam nupta. Hanc uxori meae, cuius iam dudum morbo articulari labefactata fuerat valetudo, adiutrix et sustentatrix data est a matre carissima, quamvis aegre illa careret, suadente auo, et sedecim menses, quibus Dresdae commorabatur, in sinu nobis fuit et in deliciis. Vicissim Carolum, filium me natu maiorem illustrissimo, quod Gothae floret flarebitque in perpetuum, Gymnasio adscriptum Doeringius, non secus ac si adoptauisset sibi, aluit, in iisdem aedibus habitantem, docuit, auctoritate et consiliis suis saluti eius prospexit. Tantorum beneficiorum tamdiu in se collocatorum memoriam, qua est pietate, nunquam deponet filius, in Uniuersitate literam Erlangensi totum historiarum orbem iam explicans, qui cum operibus aliquot, historiam Saxoniam et Bavaricam comprehendentibus suffragia sibi peperit bonorum omnium, fauorem Germaniae et in posterum illius studia promotum esse, laeti auguramur.



urn:nbn:de:urmel-fbbc0077-65b9-47f7-9c0d-8507f9206f0e3-00010832-141



urn:nbn:de:urmel-fbbc0077-65b9-47f7-9c0d-8507f9206f0e3-00010832-157



urn:nbn:de:urmel-fbbc0077-65b9-47f7-9c0d-8507f9206f0e3-00010832-162



urn:nbn:de:urmel-fbbc0077-65b9-47f7-9c0d-8507f9206f0e3-00010832-176

Goth-4-00155-171-26

Projekt: Gothana
Anlegedatum: 07.06.2018
Signatur: Goth 4° 155-171 (26)
PPN: 18075436X

Bemerkungen:

urn:nbn:de:urmel-fbbc0077-65b9-47f7-9c0d-8507f9206f0e3-00010832-189